

كارتون الكتاب المقدس

الميلاد

المصدر [Bible App for Kids](#)

سؤال: إحنا ليه بنعطي؟

الإجابة: عشان ربنا جه و أعطاني نفسه :) ... أعظم هدية ... و عمره ما هيسيبنا ... ده إحنا بنتناول جسده و دمه على طول في القداس

تعالوا نشوف إزاي

كارتون الكتاب المقدس - ميلاد السيد المسيح



نشوف إيه في القصة دي؟

الملاك جبرائيل بشر العدرا و قال لها إن الروح القدس هيحل عليها ... و هتولد ابن الله (ربنا يسوع) فين الهدية اللي في القصة؟؟!! ربنا نفسه :) ابن الله الوحيد (ربنا يسوع) جه العالم هدية لينا عشان يخلصنا من خطايانا و يدّينا الحياة الحقيقية سقّوه عمانوئيل ... يعني الله معنا

و اتولد في مزود فقير ... حتى مش على سرير في بيت عادي و الملاك بشر الرعاة ... اللي فرحوا جداً و جم شافوا ربنا يسوع في المزود

ولد لكم اليوم في مدينة داود مخلص هو المسيح الرب (لوقا 2 : 11)

طبعاً ربنا يسوع جه العالم عشان يخلصنا من خطايانا ... الخطايا دي فصلتنا عن ربنا ... بس من محبة ربنا لينا إنه أرسل ابنه الوحيد عشان يخلصنا

ال 3 حاجات اللي المفروض نعملها؟

- 1



ربنا يسوع من تواضعه جه العالم بتاعنا ... و اتولد من أمنا العذرا

- 2



ربنا نفسه كان أعظم هدية و هو هدية الكريسماس لينا على طول

و محبة ربنا دي أعظم هدية ... لو أظهرتها لحد يبقى دي أعظم هدية ممكن أدّيها له

- 3



و ربنا عمل كده عشان حاجة واحدة بس: إنه بيحبنا :) ... و إحنا كمان لازم نحب كل الناس

! **المشكلة:** ساعات بتضايق لّمّا في الكريسماس ماتجيليش هدايا حلوة أو ماقدرش أجيب هدايا حلوة لأصحابي ☹️

🔍 **الحل:**

افتكر الهدية الحقيقية ... ربنا يسوع بنفسه جالنا و أعطانا نفسه ... عشان بيحبنا جدّااااا
و أنا كمان, لازم أوري الناس إني باحبهم ... أشوف مين زعلان و أحاول أفّرّحه ... مين محتاج مساعدة و أحاول أساعده ☺️

📖 تعالوا نحفظ مع بعض الآية:


لأنه هكذا أحب الله العالم حتى بذل ابنه الوحيد (يوحنا 3 : 16)

🔍 يعني ربنا إدانا ابنه الوحيد ... عشان يخلّصنا

♥️ تعالوا نطّلي مع بعض:

يا رب نشكرك إنك إديت لنا ابنك الوحيد كأعظم هدية و دليل على حبك لنا
خلينا إحنا كمان نحب كل الناس و نؤريهم حبك ليهم و لنا ؛)

صورة للتلوين: بابا يسوع مع ماما العدرا و القديس يوسف النجار في المزود



تعالوا نفكر قد إيه ربنا ييحبنا و إدانا نفسه أعظم هدية و خلّصنا

